

以習自然得成後證法時豈有障礙

大法炬陀羅尼經卷第十五

短五

脇虛業反拊音撫城隍下音皇迺音第更更揭音居

也之徒熊羆獸上音各皆猛獸多力陋帝上胡反狹字剛強其

未也也博奕下音亦素魯之間擣音秘痛反上丑積積

博物志曰老子造之為戲敵徒的戀音秘馬馬

為一人擲之為戲敵徒的戀音秘馬馬

大法炬陀羅尼經卷第十六

短六

隋天竺三藏法師闍那崛多等譯

將護法師品第三十九

放光佛本業品第四十

教證法品第四十一

將護法師品第三十九

阿難爾時上名意菩薩白放光如來言世尊如來說一切諸法少分名字若人學已得成就者彼離世間諸波羅蜜於此法中云何相應世尊若無相智知一切法者此一切法無有一相若法有相可得聽受何者是相復云何相以何相故能知世間出世間相復云何知方便業藏時放光佛告上名意菩薩言摩那婆以方便智知諸法相自當得是業藏來處上名意菩薩復白佛言世尊如來雖復略說諸法方便解釋一切諸佛方便言教能受持者及能入證能覺知者然是三種方便業藏我等從今當勤修學如如來說我等皆已如是聽受如是聞知世尊是中復有諸餘眾生聞是說已不能了知此方便義惟願今者具為是等宣揚如是三種業藏方便言教阿難爾時放光如來應供正遍覺復告上名意菩薩言摩那婆於意云何汝頗知有幾所眾生能得知此三教業藏汝復知有幾所眾

生不能知者

時上名意菩薩復白佛言世尊頗有衆生如如來說三教業藏如實知者又於所說三言教義能盡持不佛言摩那婆如我向者已先問汝有幾衆生能聞是法及能受持汝今云何更問知此三種言教我實不見如是衆生

時佛復告彼菩薩言摩那婆如來說此三言教時汝等能解能知復能爲彼若人非人如是等類開解演說不唯有如來能知三種方便言教或時爲他具解其義或時爲他少分開發摩那婆我觀如是無量無邊諸世界中終不見有如是衆生初未成就阿耨多羅三藐三菩提而能得說三教藏者唯除如來應供正遍覺乃能說耳摩那婆如來說已諸餘衆生或時少解然終不稱如來所說如是而解此等三種方便業藏於如來前不能解說亦不能知初阿字門亦不能入三言教藏設以種種思惟方便亦不得入何敢言知是故

短六

二

我說惟除如來獨能清淨如是業道上名意復言世尊如是業道當云何淨佛言摩那婆今爲此問可謂非時汝智不淨事宜然也摩那婆我已三告不許於汝云何復問如來復能如是教我知此三言教藏諸餘衆生不能知也摩那婆如是三種方便教藏阿迦那等

三字所有句義汝但能說云何得知此諸句義摩那婆然亦有是一種方便若諸衆生清淨持戒則能知此三言教藏爲他演說上名意言世尊是何方便而能得知摩那婆無餘方便唯有如來德力加持如是衆生乃能知耳上名意言世尊如來若當入涅槃者從誰復聞如是業藏誰更當能爲他解釋佛言摩那婆誰於我前親聞受者彼於未來凡所生處淨居諸天躬往教知或餘世界諸佛威神來加彼人如先所聞終不忘捨此三教藏如爲現前能作光明摩那婆汝於爾時當大忻悅起隨喜心此諸衆生能爲他說如是言教

斯皆是此如來神力所加持也汝今當知若能如是對如來前問是義者非下劣人何以故終無復有愚劣衆生能爲他說如來終亦不爲破戒一惡衆生說是義門何況乃於無量無邊諸世界中破戒不淨惡衆生中而當宣說如是義處必無是事後次摩那婆是中

短六

三

實有無量妙義無量妙言若爲如是愚癡衆生輕即說者更令造業非爲光顯是陀羅尼文句義味摩那婆此陀羅尼唯是諸佛如來能作此等諸法光明最勝上智具足諸法所應演說清淨之處皆悉依此陀羅尼經而當爲彼樂聞者說彼樂聞者當應詣彼善丈夫所至心聽受如如來前聽聞正法何以故是善丈夫能說如是修多羅者皆是如來威神力故是故樂聞法者應作此心樂聞於法摩那婆當爾之時慎莫令有惱亂法師若彼法師無燒害者當爲世間興大利益摩那婆此言教藏非少智衆生所行境界亦非供養少

佛而能得聞乃於無量無邊諸世尊所修行供養方始得聞方乃得學然後能知此三教藏爲他解說摩那婆於意云何彼諸衆生若無法師自力能得如是法不而諸衆生不得法者以無法師故不得法設有法師其受法人若不先請則不得說是故要須先請法師以己身力供給供養然後得說若受法人爲弘法故勸請法師是人爾時應當躬往詣法師所將養衛護若受法人在法師所則惡行之人諂媚誹毀不信法義不喜法師求過短者不能得便若聽法人欲樂堪受發大勇猛具足精進隨時能問法師所說方便言教時所聞法則無闕少若無問者爾時法師不能具宣諸佛法門終不弘顯亦無衆生知有佛法不知如是三藏法故彼諸無智生盲衆生皆墮無明大黑闇處以不能知諸法門故無有智者無有行者當知世間盡皆晦冥摩那婆諸衆生等皆由嫉妬我心垢蔽是以不能

詣聽法所設復往詣亦不聞法以不聞故不知善惡業行之事是所應作是不應作當知爾時世間多有如是衆生

大法炬陀羅尼經放光佛本事品第四十

爾時放光如來告上名意菩薩摩訶薩言摩那婆我念往昔初有一劫名曰難伏復第二

短六

四

劫名曰除樂過是劫已復有一劫如是三劫空無有佛於彼劫內一切衆生凡所生處乃至不曾聞一法音況復得有如法行者若能修行無有是處彼諸衆生無法世專造惡行不孝父母不事師長不敬沙門及婆羅門遠離持戒依止惡法常樂放逸墮沒闇冥不

識是非不知善惡不別尊卑不懷恩養乃至不知何者是父何者爲母云何兄弟及以姊妹如是等法以不知故各各皆入愚癡黑闇失八善根及樂行法墮於地獄深遠苦中終不覺知何者是佛何者是法何者是僧亦復不識一切善根如是劫時有一菩薩名曰香

上示現生在婆羅門家其生未幾父母並終如是菩薩身漸長大成就諸根具精進力善根純熟捨家出家既出家已苦行精勤依一林樹四十年中食果飲水更無餘食其所食果在樹雖熟終不先取要因鵲鴿鸚鵡猿猴諸禽獸等啄食之餘雖無蟲食有時熟已風

吹自落然後乃取其食時節要經七日然始一食七日之內終無二食如是菩薩食時雖至地無餘果便亦空過亦無所食四十二年或食不食長夜精苦修習禪定以修定故獲五神通然是菩薩經四十七年因神通力即以天眼過於人眼觀視世界所有衆生不持

短六

五

禁戒全無福德專造惡業嫉妬毀謗不事父母不敬沙門長夜熾然增長衆惡更相恐害甚於怨讎爾時菩薩見如是等惡衆生已生大憂悲如是歎曰嗚呼哀哉嗚呼哀哉此等衆生極成大失寧能於此寬大利中無一衆生有片善根況具足者復如是念我於今日

應以天眼觀此三千大千世界一衆生具足善根我若見者應大歡喜何以故我於彼所得斯大利若不知處即宜因此更相教告生長善根時彼菩薩如是念已即於林中宴坐入定思惟觀察見其南方過二十世界有一佛土名曰善光彼土有佛号曰寶幢如來應供正遍覺摩那婆後佛何故名曰寶幢以其生時即於頂上放大光明大光出時其世界中無一衆生能知彼光從佛頂出亦復不能分別彼光相貌形色爲青爲黃爲赤爲白爲黑爲紫爲頗梨色諸餘色相乃至一相皆不能知彼光出已其佛刹土咸成寶色時諸衆生見其刹土如是莊嚴各作是念此必當是菩薩出世建立寶幢故使世界變爲寶耳摩那婆以是因緣彼佛如來名爲寶幢摩那婆爾時寶幢如來從頂出光直來臨照香上菩薩在頂而住時彼菩薩於禪定內見佛光明住在其頂生希有心發如是念我今

宜應捨此三昧如是念已即從定起觀彼光明所從來處見從南方善光世界寶幢世尊頂出光已直指自身既不淪沒亦無障礙而復見彼寶幢世尊以九十二那由他聲聞大衆前後圍繞復作是念我於今日可詣彼佛世尊足下恭敬禮拜佛及僧衆香上菩薩生是心時寶幢如來還攝光明光明沒已菩薩爾時如常宴坐無所見知深自咎責我今寧可長失斯利時彼菩薩復作是念我今還應入是三昧如是念已即復入定既入定已光明復來住菩薩頂還見彼佛無量大衆左右圍遶時彼菩薩復作是念我今應詣彼佛世

短六

六

尊如是念時光明復沒其光沒已菩薩復念我今自應還入彼定既入定已何須更出乃至不應到彼佛所摩那婆時彼如來作如是念今此菩薩有大勇猛具足精進我亦不應令是菩薩放捨斯願不成大利或來我前或棄身命慎勿令彼捨精進心莫使彼身於是

法門而作損減我今應當令其安住如是正法教令覺知使是菩薩一切法中咸得開解滿其本願摩那婆時彼如來如是念已於彼界沒忽來至此菩薩前住摩那婆爾時菩薩忽然覩見寶幢如來應供正遍覺身相莊嚴三十二種殊特微妙狀若金山生大希有重尊敬心於彼佛所猶如父想而彼菩薩心生如是尊敬事已起愛重心不自勝任慙愧悲泣前詣佛所雙膝長跏頂禮佛足右遶三匝退住一面如是菩薩慙愧悲泣禮敬佛時彼佛即以手摩其頂然此菩薩被摩頂已尋自念言過去諸佛初未聞見行是悲願而欲於

彼生死空野無佛劫中爲大利益濟度如是不識恩養非法衆生不信三寶不敬沙門及婆羅門不孝父母不友兄弟不知尊卑諸如是等失心衆生墮空劫中專行惡法我於今時須作法因不憚勤苦光揚教化咸令具足發斯誓願摩那婆時彼如來知此菩薩內懷

短六

七

如是大誓願精進即便爲說三種業藏既聞說已曾於過去諸如來所聞此三種教藏法門皆現在前是菩薩從寶幢佛聞此三種言教藏故遂於佛前發大誓願我必於此大空劫中如世尊教施作佛事時彼如來知是菩薩具足如是牢固誓願即便慰喻并誡之曰摩那婆如汝心願慎莫放捨汝應悲愍諸惡衆生汝當勤學諸佛所作終不得捨三種方便汝恒念此三藏法門摩那婆汝若有緣生亂心者唯當正念諸佛世尊汝於爾時但作是事摩那婆時寶幢如來如是教誡彼菩薩已以大神通還本世界

復次摩那婆爾時香上菩薩摩訶薩從寶幢佛聞三教已常轉常念常現在前我於今者作何方便爲諸衆生宣揚解說咸令彼等知佛現存菩薩自念惟有神通大事可辦即以神通下至第七風聚之處發大聲言汝等衆生如是破壞云何而得不自覺知摩那婆爾

時菩薩所出音聲遍滿三千大千世界一切
衆生聞是聲已悉捨諸惡盡夜端身正念而
住爾時菩薩見諸衆生悉起正念復更思惟
云何而得出一音聲遍諸世界菩薩爾時即
作是念此諸衆生最極惡行我今應當如法
教示摩那婆時彼菩薩次第教示一切衆生
皆令安住於正法中過七年已彼諸衆生得
住法行種種善根然是菩薩能令此一切衆
生行種種行得種種法摩那婆以是因緣汝
應當知彼時衆生於諸法中無有缺減然皆
由彼寶幢如來過二十佛刹見有衆生堪爲
法器又此香上菩薩能有如是勇猛精進大
誓莊嚴故爲敷演三教法藏摩那婆又彼如
來捨置於彼九十二億那由他衆自來臨教
香上菩薩爲成就故摩那婆汝今不應妄生
憶想謂彼香上爲別異人當知爾時香上菩
薩即吾身是摩那婆我念無量無邊世界種
種名字彼世界中所有衆生彼諸衆生所有

短六

八

心念於一刹那間我悉能知是諸衆生心所
念法意所住處億百千種於一念中我悉知
之若使世間諸佛國土隨有衆生善根成熟
堪受三種言教業藏我當往彼示現成佛專
爲宣說三教藏門摩那婆假使無量無邊諸
世界中無有佛處但有衆生堪能受持三教
藏者我即於彼現爲佛身教化開示是諸衆
生何以故不欲令彼善根衆生喪失如是智
慧處故摩那婆我常如是周遍觀察若見衆
生毛髮善根即往教化何況衆生躬在我前
歸依於我仗我爲師而不攝受不爲宣說乃
更秘藏無有是處復次摩那婆我今爲汝更
爲譬喻以譬喻故智人速解摩那婆如蓮華
池其水盈滿蓮華開敷現於水上日光沒後
冷露降時是衆華葉自然相合夜分既盡日
光將現而彼諸華復還開敷當知是華應須
二事何等爲二一者池水常盈不令乾竭二
者節量其水不令華沒如是摩那婆如來亦

爾為諸菩薩摩訶薩等遠離怖處於二事中
應深加護何等為二所謂斷常若諸菩薩於
是二見無執著者心智行處不假多功自然
能滿若能極滿心智行處即得入彼三藏智
門摩那婆今者如來已為汝等方便解說三
言教藏而汝尚未捨離重擔更問如來此三

短六

九

言教業藏因緣

大法炬陀羅尼經教證法品第四十一
阿難爾時上名意菩薩復白放光如來言世
尊如來曾說菩薩求法不捨重擔有所不知
還問世尊以是因緣我今不捨精進重擔數
請世尊世尊雖欲捨置於我然我仍願諮問

世尊譬如婆羅門大衆會時卒然有一異婆
羅門寡見少聞不被呼請而輒自來求最上
坐衆人諮問莫知所答經於七日而不得食
世尊然婆羅門法寡於見聞問不能答假令
七日不得一食而尚不免為他驅擯其會衆
中無哀憐者世尊我等如是數被如來諸所

說中不為盡解如被驅擯今雖被棄不蒙盡
言然而我等誠願慙懃猶自不捨求法重擔
諮問世尊何以故世尊無智愚人現雖多惡
然其久後亦當作佛若當作佛要須諮問若
不諮問則闇於法門若闇於法門則不得佛
慧亦復不得力無畏等乃至不得佛陀羅尼
方便言說乃至不得道成号佛若不請問佛
世尊者云何得成當來佛事世尊我於今日
雖被驅遣在法門外然我要當請問世尊如
是三種言教藏處

阿難爾時放光如來聞是菩薩如是問已作
是思惟此大菩薩精勤勇猛內具信心智慧
深利今我不欲為其解釋誠棄捨之然是菩
薩終無恐怖亦不休息唯求諮問我於今者
應為說此何等法門譬喻解釋令漸學此三
言教義因是字門以入宮殿亦此億數諸菩
薩等思惟分別此法門故當自證知諸波羅
蜜方便行處是波羅蜜所有義理從此方便

言教門中當應自見彼諸菩薩如是問時思惟不亂心盛分別不憚勤勞而得問辯即於爾時生大歡喜生歡喜已漸得入此三教藏門阿難放光如來正思惟時諸菩薩眾承佛力故知如來心

阿難爾時諸菩薩摩阿薩眾發如是心我等短六 十

今者誠可思惟此三句義何者是此三教業藏所謂即此阿迦那等諸字門耳言阿字者云何最初方便開導言迦字者云何中間我應入知言那字者云何復能最後普證我於今者從阿字門思惟分別憶念受持更不諮問如來是義亦知如來方便教示諸菩薩眾作是念已各於眾中端然立住於一時間思惟觀察阿字法門方便義處於其中間不念餘事時諸菩薩如是思惟滿足七日即得證知彼阿字門宮殿義處云何證知言證知者如如來說猶如取板方便執持不破不壞善加刮削平治令淨量度長短然後色塗暴曬

令乾乾已措摩摩已持筆書置板上方得成字摩那婆於意云何彼板如是善治理訖當於爾時板中已有色相可見名字可說耶諸菩薩言不也世尊佛言如是如是摩那婆是時無有色相可取名字可說唯有言說如是我聞等修多羅文句次第摩那婆汝等聽我方便解說此譬喻門還如是持可不正以治理彼板令無塵垢或以色塗即於書時無復有物於文字句能為障礙耶如是如是摩那婆是故我說四大身中得入宮殿猶如彼板摩那婆入宮殿者云何而入摩那婆然此諸界有二種事方便教授故言宮殿何等名為

短六

十一

二種事也摩那婆猶如彼板精好治理即是如所聞已分別思惟云是我身而得安住又如彼板善治理故不用多功而得書字彼人見已心生歡喜如是如是摩那婆一心正念除諸煩惱思惟所聞普知所作正住清淨亦復如是摩那婆又如彼板善治理已得好筆

墨思惟方便點畫分明文字章句皆悉成滿
 摩那婆若令彼板不善治理筆墨不精彼之
 所書文字章句不甚分明不可辯了如是如
 是摩那婆若人心不清淨煩惱穢濁意業不
 善則於所說不能照明如板筆不精文字不
 顯摩那婆汝等應當如是解說彼阿字門漸
 入宮殿如彼板喻應當善持若不解了即應
 更往諮問如來爾時諸菩薩言世尊以是因
 緣我等皆應更善思惟此方便門世尊我等
 但知思惟一邊不知一邊今當奉教更審精
 思若得知者便為大善如不知者還請世尊
 爾時放光如來復告諸菩薩言摩那婆以是
 因緣我今於此須彌山頂不盡解釋如是義
 處須後還下至大地時然後可得盡說是義
 憐愍一切諸世間故諸菩薩言世尊假使如
 來住於億劫我終不捨是精進心要須諮問
 此三句義佛復告彼諸菩薩言摩那婆汝等
 莫捨大慈悲心亦勿生念今日如來遺棄我

等何以故如眾口言無有虛妄如來口業終
 不虛發所以者何諸佛世尊口業所出無不
 皆令一切安樂摩那婆諸佛如來具足慈悲
 但為憐愍諸眾故凡有所作乃至一切舉
 動語言無不皆為一切眾生甘露良藥摩那
 婆如來世尊知時為說何以故摩那婆是諸
 凡夫於如來所無有定業假使後時得少微
 緣遠起亂心是故汝等於是法中莫生疲懈

大法炬陀羅尼經卷第十六

短六

躬音鳩音鳩音欲音二音字音作音鳩音上音後音猴音二音字音侯音啄音
 食音卓音怨音離音下音音音饗音宴音坐音上音於音見音憚音徒音旦音駟音

擯音下音必音刀音反音出音也音刮音削音上音俱音柳音反音暴音曬音報音反音
 又音所音寄音反音